



**S. Augustinus, Episcopus in Africa Hipponeñsis, Veritatis
Evangelico-Catholicæ In Potioribus Fidei Controversiis
Testis Et Confessor, Contra Bellarminum Et Alios
Scriptores Papæos, antiquos pariter & ...**

Reiser, Anton

Francofurti, 1678

Lib. I. cap. 11. & seqq. de numero ordinum

[urn:nbn:de:hbz:466:1-72506](https://nbn-resolving.de/urn:nbn:de:hbz:466:1-72506)

*Electio Episcoporum non pertinet, jure divino ad Clerum, sed ad summam Pontificem, ut vel ipse eligat vel prescribat eligendi modum, autoritate Augustini munire se non potuit, quem potius quoad utramque ejus partem agnoscere sibi debuisset contrarium, si ea accurate perpendisset, quæ paulo ante *Espenacum* ex Augustino, de successoris constitutione in Episcopatu, præsentibus Coepiscopis duobus & Compresbyteris, nullâ plane Pontificis Romani mentione facta, memorantem audiimus; ideo ad septimam progredimur propositionem: *Ratio eligendi summam Pontificem per solos Cardinales est omnium optima & meritorum conservanda, et si absolute Pontifex eam posset mutare, si veller.* Quamvis enim ipsa propositio ad præsens Institutum pertinere non videatur, quia tamen in ejus explicatione habet aliqua, quæ non præter rem hic attenduntur, inconfultum ea omittere est visum. Nimirum, ut præcriptum in propositione modum eligendi Pontificem per Cardinales firmer Bellarminus, id alia inter demonstrationis loco adferit, *hanc eligendi formam ex omnibus aliis bonis & legitimis formis esse temperatam*, quarum quinque recenset, omnes, præter primam & ultimam, eum Clero populum quoque ad Jus eligendi Pastores & Episcopos, ad minimum pro consensu admittentes, de tertia in primis agnoscens, *fuisse eam in usu tempore Chrysostomi, Ambrosii, Augustini, Leonis, Gregorii*, videlicet, *ut Clerus & populus eligeret*, ut ut postmodum sibi met ipsi, more non insolito, contradicens moneat, esse formam hanc *omnium maximè incommodam*, quam paulo ante aliis bonis & legitimis formis accensuerat, id quod nobis Augustini authoritatem vindicantibus in præsens fatis esse potest. Restat octava nunc & ultima propositio: *Si nulla extaret Constitutio Pontificia de electione Pontificis, vel casu aliquo omnes à lice designati electores, id est, Cardinales simul perirent, jus electionis ad Episcopos vicinos & Romanum Clerum pertineret, cum dependentia tamen aliqua à Concilio Episcoporum generali.* Sed cum hujus propositionis tractatio ex Augustini seculo & authoritate nihil plane exhibeat vel exhibere potuerit, silentio eam jure prætermittimus, ad alia facientes progressum.*

CAPUT UNDECIMUM & seqq.

De

Numero, Antiquitate & officiis ordinum Ecclesiasticorum.

Quae de prioribus hujus tractationis partibus, numero videlicet & antiquitate ordinum apud Romanenses Ecclesiasticorum in genere, notari possunt atque debent, præter ea, quæ Gerhardus noster solito labore & industria ex variis Pontificiorum scriptoribus novantiquis in *Confessione Catholica* colligit, in *Vindictis Evangelico-Thomisticis* nuper quoque ex Tannero, Laymanno, Caramuele, Cottono fuit offendit, ut prolixiori hic non opus sit repetitione, præprimis, cum à parte aduersaria nihil haec tenus opponi potuerit. Nunc id tantum in gratiam lectoris innocentius curiosi addere juvat, quod *Franciscus Hallier, Doctor Sorbonicus*, in illustri opere de *Hierarchia Ecclesiastica*, quod *Ludovico in primis Cellotio*, scriptori Loyolitico, voluit oppositum, de divisione Hierarchiarione ordinis in Episcopos, Presbyteros & Diaconos, prolixissime monuit, authoritatibus Patrum, & inter eos etiam Augustini, non solum in genere probans, *Episcopalem Presbyteralem & Diaconalem esse veros ordines Hierarchicos, sed & solos ordines istos, non ceterorum (quoque) inferiorum, hierarchicos esse*, idque pluribus argumentis & rationibus, provocans etiam ad Ecclesiæ ritus, praxin & disciplinam, ternarium hierarchicorum ordinum numerum probantes, ampliorem vero reprobantes, quos præprimis resert, quod hi ordines soli in Conciliis habuerint locum, & decretis Conciliorum nominetenus subscripti serint. Et quia, qui septenarium numerum defendunt, non pauca pro defensione ejus objicere solent, & quidem inter alia etiam Augustini authoritatem, non solum Episcopos, Presbyteros & Diaconos, sed & alios sacramentorum ministros populis Christianis praesse in de moribus Ecclesiæ Catholica libro significantis; hinc idem Doctor Sorbonicus ad quævis, & in specie ad Augustini testimonium respondeat, quod dum prolixius ab eo factum est, lector ad ipsum remittitur fontem, ne exscriptio cedum aliquod pariat. Sufficiat nunc ille Doctoris augusti locus, qui dictorum trium ordinum in specie facit mentionem, significantis, *Nihil esse in hac vita facilius*

Epist. 148.
ad Valer.

Epist. 148.
ad Valer.

facilius & latius & homini acceptabilius Episcopi, Presbyteri aut Diaconi officio, si per functionie ac adulatore res agatur, sed nihil apud Deum miscrius, tristius & damnableius; item, nihil esse in hac vita difficultius, laboriosus, periculosus Episcopi, aut Presbyteri, aut Diaconi officio, sed apud Deum nihil beatius, si eo militetur modo, quo noster Imperator jubet. Alterum ab eodem Sorbonistā citatum ejusdem sancti Patris locum hic pertinentem brevitatis causa itidem prætermitto, cum hic unus ad rem satis posse presentem, id est, ad sublevandam Bellarmini pauperiem, qui in demonstrando ordinum numero ac eorum antiquitate Augustini planè oblitus est, ac si nihil quidquam de iis notatu dignum scripsisset. Quin & ubi de officiis eorum fuit agendum, hoc solum de eo refert ex possidio, quod adhuc Presbyter ab Episcopo Antecessore Valerio habuerit potestatem prædicandi, nimirum, ut ostenderet, officium prædicandi proprium fuisse Episcoporum, ita ut Presbyteris predicare non licuerit, nisi ex Episcopi mandato aut consensu. Addit Cellotius, qui ejusdem facti meminit, in Africā ante Augustinum illud præstissime neminem, ex eodem possidio, vita Augustini Scriptore, id etiam memorans, factum id esse contra usum & consuetudinem Ecclesiarum in Africa, ac ideò non-nulos Valerio id concedenti detraxisse Episcopos, qui tamen, utpote Vir providus, & sciens insuper, in Ecclesiis Orientalibus id ex more fieri, utilitati Ecclesiae consilens, dum ille Græcus commode Latinis prædicare non posset, obtrectantum linguas non curarit; imo currente postea & volante hujusmodi fama, bono præcedente exemplo, non-nulos Presbyteros accepta ab Episcopis potestate, coram Episcopis verbum Dei populis tractare cœpisse. Subiungit de suo Cellotius, incitatum hoc facto Aurelium, Carthaginensem Episcopum, sua in Ecclesia idem Presbyteris concessisse Privilegium, & gratulatum ipsi hoc factum magnopere Augustinum Hieronymum quoque illam Ecclesiam in Africa consuetudinem, qua Episcopi munus prædicandi fibimet solis reservarunt, graviter reprehendit. Quæ in proximè antecedentibus de Origene nondum Presbytero, in communī Ecclesia confessū sacram enarrante scripturam, habet idem Cellotius, quod ad morem Ecclesiarum Orientalium, cuius mentionem modò factam vidimus, pertinet, prolixè nunc non urgeo; id tamen observans, quod occasione hujus exempli Ferrarius, Collegii Mediolanensis Ambrosiani Doctor, in de ritu sacrarum Concionum opere, non ita pridem adpositissimè notavit, morem illum, quo Episcopi tantum, non etiam Presbyteri, officio concionandi fungebantur, in Ecclesia Alexandrina initium habuisse eo duntaxat tempore, quo Arius Presbyter accepta docendi facultate res novas inducens Ecclesiam turbavit, Socratis, Sozomeni & Nicéphori testimonii id comprobans, & ex aliis quibusdam Documentis Antiquitate conspicui docens, à primis Ecclesiæ temporibus non Episcopos modo, sed etiam Presbyteros id operis ac muneris habuisse, ut prædicarent in populis. Ego hic de meo nihil planè addo, ut non nesciam, quanta Styli acerbitate hæc etiam controversia ante Annos non ita multos in Gallia, inter Ignatianæ Societatis adseclas & Episcopaliū Privilegiorum defensores, fuerit actitata, de quâ dum Hugo Grotius suam exponere voluit mentem, sequentia in Episcoporum gratiam scripsisse legitur: *Si Antiquitatem sequimur, res est expedita. Nam alloqui populum est Episcopi aut eorum, quibus id Episcopus conscient, ut mos antiquus habet, Presbyterio permisit. Permissum verò & Latius interdum docere, Origenis aliorumque nos docent exempla. Monachorum antiquitus ad hoc nullus usus, quod promissores solitudinis, quantum fieri posset, omnes cœtus fugere deberent, ut vitam agerent nomini suo respondenter, quod esse plangentium, non docentium, docemur ab Hieronymo. Si tamen in aliquo præter pietatem ea adparerent, que docendo valde conducerent populo, nec alii facere pares reperirentur, Episcopaliū functio tanti semper Privilegium in Ecclesia fuit, ut Monachum à Monachismo, id est, vita segregate absolvaret, quia nimis magis est Ecclesia juxta nos, quam nobis in nosmetipso, atque id in Ecclesiis Gracis in hunc diem frequens est. Monachis verò, qui Monachi maneant, ista concedere, nec certis tantum personis, sed societatis integris, novum est & Latinum. Quos hæc tangant, etiam qui rhinocerotis nafsum non habent, facile intelligunt. Sicut autem nemo forsitan est, qui Episcopis verè ita dictis munus prædicandi, & quod præterea ad id de jure videtur pertinere, præ aliis non adtribuat, quod Bellarminus exemplo Augustini adducto intendit; ita optandum esset, per neglectum hujus officii Episcopalis ansam non*

in Vita

August.

cap. 5.

de Hie-

arch.lib. 6

cap. 12.

ad cap. 6.
Lucæ, p.
m. 222.

non fuisse datam plurimorum gravaminum, inter quæ non possum non adducere, quæ laudatus paulò ante Didacus stella non uno in loco orbi Catholico exposuit: *Dolor est, cum tot videamus ignaros Sacerdotes, qui nec prima Grammatices rudimenta didicerunt, qui vehementer cupiunt esse Confessarii, & pro rostris predicere. Et sunt alii, qui cum Theologi non sint, Episcopatus ambiunt, & in supremas evehit dignitates, cum nesciant, quod proprium Episcopi munus sit docere & erudire. Sic in consecratione Episcoporum consecrator tradit consecrando librum Missale ad scapulas, dicens, Vade & praedica ovibus tibi commissis. Sed dicit mibi, quomodo sacram interpretabitur scripturam, qui Theologiam non didicit, & forsitan nec Biblia legit? Quomodo jurat in consecratione, quod calleat utrumque Testamentum in utroque sensu, qui in vita nihil aliud egit, quam venatione & voluptatibus studere? Et qui Cesareo Iuri semper dedit operam, Bartolo, Baldo, Felino, & aliis hujus catervae Doctoribus, quomodo cum veritate potest affirmare, quod utrumque Testamentum noverit in utroque sensu? Quod si dicat Canonista & Iurisconsultus plus de publicis nosse negotiis, & quomodo sint agenda; hoc ridiculum prorsus est, eos homines eligere in Prelatos, qui potius apti sunt litibus & negotiationibus, quam decendo & predicando. Et post aliqua: Bonum quidem est & sanctum, ut Episcopi habeant vicarios & provisores Iuristas, (quales nimirum Apostoli eorumque successores Episcopi olim habuerunt,) qui Canones Ecclesie sciant, ut judiciarias Ecclesie causas judicent; at officium Episcopi & Pastoris est docere & praedicare populo. Ad hoc autem Munus quam aptior & parvior sit Theologus, quam Iurista, tuo id arbitrio relinquendo. Etenim boni Pastoris officium est, oves à lupis, id est, hereticis defendere. Quomodo autem, rango, adversus hereticos disputabit, qui Theologus non est? Solus judicare & discernere potest Theologus, qua propositione sit heretica, temeraria, errorea, vel scandalum minans. Solus sciere potest Theologus, qui Concionator veram aut falsam predictam doctrinam. At si hac judicare, examinare & lance aqua pensare munus est Episcopi, qui hac ignoraverit, quo jure in Episcopatum adscendet? Et Apostolis, quorum successores sunt Apostoli, dixit Christus, Ite & praedicate Evangelium. Non misit illos ad litigandum, sed ut Evangelium praeferant, quod manus Episcoporum est, ut ipsimet fatentur Apostoli. Cætera non addo, ubi ibidem legenda. Alia autem subjungo, quæ idem Minorita alibi habet: Ducant nostri temporis Episcopi, qui successores sunt Apostolorum, Dei verbum praedicare, juxta normam Concilii Tridentini, illis expressè præcipientis, ut prædicent per seipso. Ideoque Paulus præcipit, ut eligantur Episcopi, qui sint ad docendum idonei, sequidem proprium munus est eorum, docere. Apostoli quidem, ut justarent verbo Dei, septem elegerunt Diaconos, qui ministrarent in opere externo. Sed, prob dolor, quam perverse se nunc res habet! Episcopi enim ipsi occupantur in exterioribus & negotiis secularibus, & munus Episcopale, quod proprium est ipsorum, exercetur ab his, qui non tantæ sunt dignitatis, quales sunt Monachi aegeni Clerici. Quare, rogo, explicavit Saulem David scypho & hastâ, nisi quia ille dormiebat? Similiter quia Prelati dormiunt & ottiantur, surripuerunt Monachis prædicatiois munus, quod proprium est Episcoporum, & in ipsis remaneat vigilabitibus. Plura ex aliis scriptoribus similia his gravamina adscribere hic superledeo, cum opus non sit mortuis testibus, ubi viva omnibus obvia est experientia, adid pro Instituti ratione conducens, ut quantum hodierni mores à moribus seculi Augustinianæ desciverint, qui in suis erroribus defendendis ad Augustinum ceteraque Patres antiquos provocare audent, videre tandem ac apostoliam fateri cogantur, etiam inviti.*

CAPUT DECIMUM QUARTUM & QUINTUM.

De

Distinctione Episcopi & Presbyteri.

BELLARMINUS Augustino hic utitur & offensivè & defensivè, neutrum cum laude & aliquo sua opinionis commodo, id quod breviter ostendendum. Ad prius pertinet, quod dum probare laborat, esse inter Episcopum & Presbyterum ex Jure Divino aliquam